


## An Seilide

Is firín beag mise  
Mo theach ar mo dhroim,  
Adharca fada  
Ag fás amach uaim.

Ithimse glasraí  
Go mall is go reidh.  
Cóilis don dinnéar  
Is leitís don tae.



Sleamhnaím thart  
Ar chloch is ar chré.  
Anois cé hé mise?  
Is seilide mé !



## A Nóra Bheag

"A Nóra bheag, cá raibh tú 'réir?"  
'Sé dúirt mo mhamaí liomsa  
"I gcúl a' tí ag tobar an uisce  
'Foghlaim coiscéim damhsa"

'Gus íomba Nóra, Nóra, Nóra  
'Gus íomba 's tú mo ghrá geal  
'Gus íomba Nóra is tú mo stóirín  
Tá mise dúnta i ngrá leat



B'aite le Nóra pís agus pónaire  
B'aite le Nóra bainne.  
B'aite le Nóra prátaí rósta  
Is d'íosfadh Nóra an t-im leo

'Gus íomba Nóra, Nóra, Nóra  
'Gus íomba 's tú mo ghrá geal  
'Gus íomba Nóra is tú mo stóirín  
Tá mise dúnta i ngrá leat

